

NĀ TŌ MURI MAI

Àuē ! Àuē !
Taìtai è te òto o tō ù âau ē,
Ôriri aèra tō ù vārua.
E aa rā teie ?
Ô òe anei, tō ù metua tei reva ?
Àuē !
Ûa paò tō ù âau,
Teàia matai,
E matai âruerue teie e puì mai nei.
E matai âtaè i tō ù vaimata.
Àuē tō vārua, e tō ù metua ē.
À parau noa mai, te âroo atu nei ...

Ā !

Maara atura vau i tō ù oraraa i nuà i tō ù ènua
Mii atura vau i tō ù âià iti, ò Àtai,
Ò Àti ìa i teie maana, i Rurutu tū noa i te ono aè.

Mai nuà mai, tāpae roa i raro i te tai,
Ô Taurama te mouà.
Taùà tei raro, ò Pōroa,
E taùà tāruaraa parau nā òe e tō ù ânau.
Tā ù ava, ò Avatuì,
I reira e ôtuìtuì ai te tai.
Tairi noa mai te matai Muritoa,
Nā te ava iti te àere mai.
Tā ù vai inu, ò Teroroà.
Tā ù vai paù, ò Àtanoa.
Te one tātai, ò Te-one-ùà,
Taaiia e te àito ra ò Maruanuu,
Tei àno, e tii e èie mai tā ù tiare iti, te tiare pōrea.
È ùa mau roa te àuà noànoà, nā roto i tō ù òire iti...
Tā te mau rūàu i âamu noa mai na.

Maara atura vau i tā ù âapu
Tā ù mau paì taro, tā ù i tanu, tā ù i òipa, tā ù i àtuàtu,
Āaumarūia e te vai, te Vai-înano,
Nā roto i te mau aravai o tō ù âià iti.

Maara atura vau i tō ù nau metua,
Tō ù metua vainè,
Tei te âmāramarama o tō mātou àre,
E àre tua pee, tāpoia e te rauoro,
E rāraa noa ra i te paeòre,
Ā nānā noa ai i te taata ìa àno nā te pūrūmū.
I nuà i te àuai ra, te pāni maa, ùa ineine,
Ìa òi atu vau e tō ù metua tāne i te àre i te aiaì,

E māa ĭa tā māua.

Māuruuru tōū āiā nō te mau òtu rau atoà,
Paari mai au i te mau māa tupu atoà,
Tā òe i ô aè mai,
Tei ùrii i roto i te repo.
Te taro, te veì, te uì, te taro Rarotoà, te mia, te vānira è te pae òre.
Ūa riro te reira èi māa tumu, èi òipa tumu nā mātou è teie ā.

Raveia mai te taro nō te tīrumiia
Te veì tunu vai, tei tāvai-atoà-ia i te poi taro
Te maniota, oroia ĭa nō te pia,
Tui-atoà-ia nō te poi maniota.
Te vānira nō te òo ĭa.
Te paeòre nō te àrii ĭa i roto i te àre.
E tāpoi au atoà ĭa tae i te tau toètoè.

Ae òre te Rurutu e moe noa,
I parauā ai, Rurutu tū noa i te ono aè.

Maara atura vau ĭa àno vau e tōū metua tāne,
E rama i te tāmoe, ĭ i te ana, te ùravena.
Tāpae anaè atu i te àre ra,
E mea tunu paapaa te ùravena, tātaùia e te tāporo i nuā i ô.
Te tāmoe, e mea tunu pōāiia e te tai àari.
ĭa poi poi aè, maana māa, e āineine ai au i te parau nō te māa
Nō te ùri i roto i te umu ài
ĭa otì, tii atu ai te òiti nō te tape i te taioro, *Pē* ĭnai.

Tera ĭa tāū oraraa i nuā i ô i tō ù āiā iti.
E òaòaraa te reira nō ù i te mau taime atoà

Manaò atura vau òtai pātaù

Ee eàè
Poìpoi maana māa
E tunu tā tāua tura taro ē
Ōnini mai te vaèvaè
E tui papa te poi ē
Āpāpaina te poi nā òe, *Hi !*
Āpāpaina te poi nā òe, *Ha !*
Āpāpaina te poi nā òe, *Hi !*
Āpāpaina te poi nā òe, *Ha !*
Ĭriā Ĭriā Ĭriā Āa
Ĭriā Ĭriā Ĭriā Āa

Maara atura vau i tā ù āpaeraa i tō ù āiā
Nā nuā mai nei au i te paì nō te àno mai i Taiti
Pāimi i te òipa moni
Pāimi tei hau atu

Ô-aè-ia mai
Ô tai paau nō uaine roa mai
E pae a māua i ānau
E pae a māua, i āpii, i paari mai
I tā ù mau peu, tō ù reo ia òre ia àroia

Teie rā, i roto i te ōonuraa o tō ù āau,
Ìa òi tā ù ānau i nuà i te enua āià,
Nō te āpii, nō te rāraa, nō te āapu,
È ia āmu i tā rātou i tanu,
Tāpiriia e tō roto i te tai.
Ìa tāmau mai i teie mau òipa tumu o te enua āià,
Èi òaòaraa ia nō rātou atoà.
Ìa tià ra i te àtu,
Ìa àua atoà rātou mai iaù nei

I Rurutu ai,
Rurutu tū noa i te ono aè.

E aa tō òe parau ia tūmateia
Ìa tae roa rā mai te taìraa mete
Nā tō muri mai,
Tō muri mai ...

SEKANNEMAL Léa